

ՀՐԱՊԱՐԱԿՈՒՄՆԵՐ

Նվիրվում է Ավետիք Իսահակյանի 130-ամյակին

ԳՅՈՒՄՐԵՑՈՑ ՄՐՏԻ ԵՎ ՀՈԳՈՒ ՎԱՐՊԵՏԸ

ԵՐԵՍՈՒՆ ՏԱՐՎԱ ՀՆՌՎԻՑ

Շատ տարիներ առաջ (1970-1976թթ.) «Գարունի» խմբագրություն էր գալիս մի ծերունի, ութսունն անց: Բարձրահասակ էր, նիհար, ուղիղ, հպարտ կեցվածքով: Ամառ թե ձմեռ զինվորական համազգեստով էր: Մի անգամ ես նրան հարցրի՝ ե՞րբ եք ծառայել և որտե՞ղ: Պատասխանեց՝ 1914 թվին, չորրորդ կամավորական զնդում:

Նա երկու պաշտամունք ուներ՝ Անդրանիկ զորավարը և հայ մշակույթը:

Երբ նրա հետ բավականին ծանոթացա, մի ակնարկ գրեցի «Ջարմանայի մարդը» վերնագրով: Ակնարկը տպվեց 1975-ին, «Պիոներ» ամսագրում, իսկ հետո պատանիներին հասցեագրված իմ ժողովածուում («Նախնիների շատավիղը», Երևան, 1977թ.):

Իրոք, իմ հերոսը զարմանալի հատկությունների տեր անձնավորություն էր: Նախ՝ անունն Արտաշես էր, Արտաշես Պետրոսյան, բայց նրան բոլորը Ջումշուդ էին ասում: 1914 թվականին, քսան տարեկան հասակում, վրեժ էր լուծել մի քուրդ բեկից, որի վզին, ինչպես ինքն էր ասում, հայի արյուն շատ կար: Այդ պատճառով ընկերներն Արտաշեսին Ջումշուդ մականունն էին տվել՝ ի հիշատակ նրա քաջության:

Երկրորդ՝ ծեր հասակում (և ընդհանրապես) թոշակ չէր ստանում: Տասնամյակներ շարունակ գնացքով Լեովկասի բոլոր քաղաքներից, զիշեր-ցերեկ բափառական կյանք վարելով, Գյումրի էր մերկրել ապրանքներ, որոնք անհրաժեշտ էին իր համաքաղաքացիներին: Կենսական անհրաժեշտ այդ ապրանքները մա հանձնել էր «Գրանկոտպնեռին», «կոտպտորգներին», սակայն աշխատանքային գրանցում չէր ստացել:

Իր ծառայությունների դիմաց ստացած փողը ի՞նչ էր արել: Զգարմանաբ: Կառուցել էր թանգարան և հավաքել ցուցանմուշներ՝ հնատիպ գրքեր, ամսագրեր, թերթեր, հայ զորավարների, ֆիդայիների, գրողների, կոմպոզիտորների, նկարիչների մասին նյութեր և լուսանկարներ, Գյումրիի պատմությանը վերաբերող գրույցներ, փաստաթղթեր, նկարներ...

Ջումշուդի երրորդ զարմանալի հատկությունը այս թանգարանին մինչև ուղևորվածը նվիրված լինելն էր: Երբ ես այցելեցի նրա թանգարան, մնացի ապշած. կառուցել էր մի մեծ սենյակ իր տանը կից, որն ուներ չորս սենյակի տարողություն: Ռեյսերի վրա տեղադրել էր շարժական պատեր, որոնց ամրացված էին տարիների ընթացքում հավաքած իր հարստությունը՝ պատերին և մեծադիր այրումներում տասը հազար լուսանկար, գրադարաններում երկու հազար գիրք, թերթերի հա-

վարածուներ, հին թղթադրամներ, գծանկարներ... Այցելուների տպավորություններ և նամակներ...

Արտաշես-Ջուլիտը մի մեծ վիշտ ուներ. ժամանակին հնարավորություն չէր ունեցել կրթություն ստանալու: Գուցե ա՞յդ էր պատճառը, սերը ուսման հանդեպ, որ նրան մղում էր ամելու շատ զարմանալի մի աշխատանք. «Եթե ես լավ գիրք եմ է՛րդդում, բայց չեմ կարողանում ունենալ իմ սեփականը, գիրքն արտագրում եմ: Ես արտագրել եմ 14 հատոր, բոլորն էլ հայ ժողովրդի պատմության վերաբերյալ...»:

Ընթերցող, իրավունք ունե՞ի՞ իմ ակնարկը կոչել «Զարմանալի մարդը»: Երևի ունեի նաև նրա համար, որ երեսուն տարի առաջ նա ինձ ուղարկել էր մի ընդհանուր և հինգ աշակերտական տետրեր, որոնց շապիկներին խոշոր, հատհատ տառերով գրված էր՝ «Ավետիք Իսահակյանի և գյումրեցոց մասին»: Դրանք ես պահել էի իմ «Հատուկ թղթապանակում»՝ միշտ հիշելով, որ այնտեղ մի թանկագին պահուստ ունեմ, որն սպասում է իր ժամանակին, ինչպես ինքն էր գրել՝ 2000 թվից հետո սրանք պետք կգան:

Եվ ահա այժմ՝ մեծ բանաստեղծի ծննդյան 130-ամյակի առթիվ, այդ տետրերը հանել եմ և փորձում եմ դուրս բերել Գյումրի-ալեքսանդրապոլսիցիների պաշտամունքը իրենց քաղաքի հանճարեղ բանաստեղծ Ավոյի մասին:

Այս ամենին ուզում եմ ավելացնել, որ լռաջին տետրի վրա գրել է. «Մեր շնորհակալության առթիվ Մարգո Դուկասյանին»:

Նա ինձ շնորհակալություն էր հայտնում իմ ակնարկի և այն դիմումների համար, որ ես գրում էի վերադասիմ՝ արդարությունը վերականգնելու, գտնե ուսում տարեկանում նրան թոշակ նշանակելու համար, ինչին, ցավոք, չհասա:

Ընթերցողի ուշադրությանն եմ հանձնում ընդամենը երկու տարի դպրոց հաճախած Արտաշես-Ջուլիտը՝ Պետրոսյանի հուշերը, հիմնականում պահպանելով նրա լեզուն, ոճը և իր ժամանակին շատ օգտագործվող արտահայտությունները:

ԳՅՈՒՄՐԵՅՈՑ ՍՐՏԻ ԵՎ ՀՈԳՈՒ ՎԱՐՊԵՏԸ

ԿԱՍ

ԱՎԵՏԻՔ ԻՍԱՀԱԿՅԱՆԻ ԵՎ ԳՅՈՒՄՐԵՅՈՑ ՍԱՍԻՆ

Ավետիք Իսահակյանը պատանեկան շրջանից մինչև ծերություն ջերմ կապված էր հայրենի հողուջրին, քարուքրին, Գյումրի-Ալեքսանդրապոլին: Մանավանդ Շիրակին, Շորագյալին, Արագած-Ալագյազին, Արփաչային ու Արաքսին, ինչպես և Անի քաղաքի ավերակներին:

Ավոն ման է էկե Արագածի ու Մանթաշի լանջերում, իր հայրենի Ղազարապատի դաշտ ու հանդերում, անցել սարեր ու ձորեր, թումբեր ու փոսեր, ցորենի ու գարու ծփան արտեր, սիրել է տավարի ու ոչխարի հոտեր:

Հենց էլ ժամանակներից Իսահակյանի հոգում բուն է դրել բանաստեղծության մուսան, որը տևել է մինչև իր կյանքի վերջը, իր մահը: Էդ մասին ասել ու խոսել են բնիկ Գյումրի-ալեքսանդրապոլցի մեծահասակ մարդիկ, որոնց հուշերը Ավոյի մասին օջախից օջախ, տնից տուն, բերնից բերան հասել է ներկայիս մի շարք կենդանի մարդկանց, բուն դրել նրանց մտքերում և հիշում են Ավոյին ռոնց որ իրենց համաքաղաքացի:

Նրանցից քչերն են հիմի կենդանի, մնացողներն էլ 80-85 կամ 90-95 տարեկան են: Նրանք էլ շուտով գնալու են էն աշխարհը՝ իրենց հետ տանելով հարյուր տարվա պատմություններ: Այսօրվա օրը ես հարմար գգացի մի դավթարի մեջ գրել, թե Ավետիք Իսահակյանը ինչ կապեր է ունեցել Ալեքսանդրապոլի ժողովրդի հետ իր կենդանի օրերում:

ՄԵՐ ԱՉՔԻ ԼՈՒՅՍ ԱՎՈՆ

Մեր Ավոն, մեր Իսահակյանը, մեր Վարպետը, մեր գյումրեցին՝ մեր աչքի լույսն է: Այս բառերը գալիս են ասելու, որ ղազարապատցի Ավետիք Իսահակյանի կյանքին ու գործունեությանը, մինչև նրա 30-35 տարեկանը, միայն կգիտենա գյումրեցի-ալեքսանդրապոլցին, իսկ մնացած տարիքը թողնում ենք մեր նոր գրչագիրներին և դեսից-դենից երագողներին:

Այս տողերը գրողս ծնվել են 1894թ. Ղարսում, հիմիկ ու հիմա 81 տարիք ունիմ շալակովս առած, որից 51-ը գցում են արխիվը, իսկ մնացած 30 տարին կարծես քիչ տարիք չէ Իսահակյանին ճանաչելու և գիտենալու համար: Մանավանդ, որ 1914 թվին, Ալեքսանդրապոլի «Շիրակ» տպարանում, որի տնօրենն էր Կարապետ Ափինյանը, հենց նրա աջակցությամբ և իմ ծախսով լույս տեսավ իմ փոքրիկ գրքուկը (75 էջ, 500 օրինակ)՝ վերնագիրը «Հայրենիքի սեր», Արտաշես անունով: «Շիրակ» տպարանում լույս

էր տեսնում «Ախորյան» քերթը և «Շիրակ» օրացույցը: Ուրեմն կարող ենք ասել, որ շատ ու քիչ ծանոթ կլինեի հայ գիր ու գրականության և նույնպես մոտ ծանոթ էի էն ժամանակվա բանաստեղծական գոհարներին: Միքայել Նալբանդյանի «Ազատն Աստված», Գամառ Զաքիայայի «Մայր Արաքսի ափերով», Շահագիզի «Երազը», Շատուրյանի «Հէ՛յ նավավար», Պետրոս Դուրյանի «Տրտուցը»-ը ու «Լճակ»-ը և նույնպես Իսահակյանի մի շարք երգերը՝ «Ան-մութ ամպեր», «Մաճկալ», «Ալազյազ», «Ա՛խ, մեր սիրտը լի-քը դարդ, ցավ», «Որսկան ախպեր», «Բիճոյու» և այլն:

Մրանով գուցենք ասել, որ Ավետիք Իսահակյանի երգերը հայ ժողովրդի սիրած երգերն են, մանավանդ գյումրեցոց ու դարսեցոց:

ԻՍԱՀԱԿՅԱՆԻ ԱՐՏԱԶԻՆԸ

Ավետիք Իսահակյանը արտաքինով՝ բոյը, քիկունքը, կուրծքը՝ թե ջահել օրերում և թե ծերության, հաղթանդամ կազմվածքի տեր մարդ էր, որ շատերը չունեին: Նրա լայն կուրծք ու քիկունքը և հաստիկը, ուժեղ բազուկներն ու մատները վաղ տարիքում ոչ թե գրչի էին սովոր, այլ գյուղական ամեն աշխատանքներ ունեին կատարած: Մաճ բռնել, գերանդի քաշել, ծիով գիշեր ու ցերեկ քաղաք ու գյուղ թափառել... Իսկ ինչ վերաբերում է ներքին տեսակետով, ծանր էր ու խոհուն, մտածող, խոսքը դժվար էր դուրս գալիս բերանից: Խոսելիս աչքի չափով կշռում էր դիմացիներն: Նրա երեսին ծիծաղն ու ժպիտը նույնպես չափավոր էին: Դիմացիներ երկրորդ անգամ էլ հարց չէր տա: Եթե տար էլ՝ պատասխան չէր ստանա: Զայլվածքը, համապատասխան մարմնի ծանրությանը, շտապելու կարիք չէր գգում: Այս ամենը ասում են, որ Իսահակյանի կազմվածքը շատ քչերն են ունեցել, որի լույսն ու ճրագը, փայլն ու ցուլը մա բոլորից թաքուն էր պահում: Մինչև անգամ նրա գրած երգ ու մրմունջները, թուղթ ու մատիտը ժամանակավոր լրում էին, մինչև որ մա հասկացավ ու որոշեց, որ կյանքի, սրտի ու սերի հետ կովել չի լինի:

ԱՎՈՅԻ ՍԵՐԵՐԸ

Իսահակյանի սիրտը մի հնոց էր դառել: Արյունը և սերը իրարու չէին հնազանդվում, մանավանդ երիտասարդության օրերում:

Հառիճի վանքի դպրոցում սովորելիս մա սիրեց տեղացի մի գեղեցկուհու և երգեց Ալազյազի փեշերին, և գուցե դա էր պատճառը, որ երգեր հնարեց մառմառ Զարոյի համար: Եվ նույնպես սիրեց ալեքսանդրապոլցի Մատակյանների աղջկան, Շուշիկին, որը դառել էր նրա սիրտ դիցուհին:

Բացի դրանցից, գուցե սիրել է ուրիշներին, շատ շատերին, բայց նա իր կոչումը չմոռացավ, սիրո զոհ չգնաց... Նա սիրո դեմ մնաց անդորր-վելի, ոնց որ մի անտաշ ժայռի կտոր:

«ԵՐԳԵՐ ՈՒ ՎԵՐՔԵՐ»-ԻՅ ՀԵՏՈ

Գրքի լույս տեսնելուց մի քանի օր եկաո մեր Ալեքսանդրապոլ քա-ղաքի հարուստներից միմը, Մ. Ադեն, փողոցում պատահելիս շատ վիրա-վորված տոնով սկսում է խոսել Ավոյի հետ.

— Ծո, Ավո՛, էդ քո գոված ո՞ր սովածն ու չփլախն է բեռով հաց տվել մեզ, կերակրել: Զե՞ որ դուն էլ հարուստի տղա ես: Էդ ու՞մ համար ես գրել: Դու մեղավոր չես, ռուսական ցեղգուրն է մեղավոր, որ աչքաթող է արել:

— Հորեղբայ՛ր, — ասում է Ավոն, — դուն ինձնից լավ գիտես, եթե սոխ չես կերել, սիրտդ ինչի կմոմա:

Ուրեմն ձեզ հասկանալի եղա՞վ, որ մեր քաղաքի մի շարք հարուստ-ներից ոչ Իսահակյանը դուր եկավ, ոչ էլ նրա «Երգեր ու վերքեր» գիրքը: Իսկ ինչ վերաբերում է քաղաքիս միջակ ու արքեստավոր, ռանչպար ու մշակ, քանվոր մարդկանց՝ Իսահակյանն ու նրա գիրքը ամեն մի հայաբնակ տեղում մուտք գործեց, ոնց որ էլ ժամանակներում հայ ժո-ղովրդի մեջ տարածված էր Բաֆթու «Նայծեր», «Սամվել», «Դավիթ Բեկ» գրքերը և դժվարությամբ էին ձեռք ընկնում, որովհետև ցարական ռուսի-կանները արթուն աչքերով հսկում էին հայ գրքի ու գրականության վերայ ոնց որ որսորդի շներ:

Իսկ Իսահակյանի «Երգերն ու վերքերը» մույնիսկ փոքրիկ տղաները քերանացի արած թեկուզ տանը կամ դրսում երգելով ման էին գալիս:

ԴԱՍ ՂԱՐՄԻ ԴՊՐՈՑՈՒՄ

Ես ծնվել եմ Ղարսում, 1894 թվին:

Լավ եմ հիշում, Ղարսի ծխական հայոց դպրոցում, մեր հայերենի դասատուն, Նորհատյան Համազասպը, մի ժամից ավելի կարդաց ու պատմեց Իսահակյանի և նրա գրքի մասին: Վերջում նա ասաց.

— Իսահակյանը Շիրակի հարազատ զավակն է իր երգով ու վերքով, իր մրմունջ ու մեղեդիներով:

Ես կարող եմ ասել, որ ինքս շատ տեղերում ականատես եմ եղել՝ Ա-լեքսանդրապոլում ու Ղարսում, հարսանիքներում, խնջույք-քեֆերում մար-դիկ նվագողներին պատվեր էին տալիս «Ալազյազ», «Ցարս տարան», «Մանկալ», «Ա՛խ, մեր սիրտը», «Որսկան ախպեր» ու սրանց նման շատ երգեր, որոնց թե խոսքերը և թե մեղեդիները հայ ժողովրդի սրտից բխած հարազատ շունչ ու հոգի ունեին, որոնց արգելք չէր կարող հանդիսանալ ոչ

մի ցարական ոստիկան, որովհետև նա չէր հասկանում երգի գաղտնիքը՝ Արագածի սևմութ ամպերը ավելի խորն էին ծակում հայ հայրենասերի սիրտն ու հոգին, քան թե՝

*Դաշնակցական խումբ, գնանք մենք Մասուն,
Մեր հայ եղբայրներ մեզ են սպասում...*

ԶՐՈՒՅՅԻ ՊԱՏԱՌԻԿ ԹՈՐՈՍ ԹՈՐԱՄԱՆՅԱՆԻ ԵՎ ԱՎԵՏԻՔ ԻՍԱՀԱԿՅԱՆԻ ՄԻՋԵՎ

1903 թվին ճարտարապետ Թորոս Թորամանյանը մասնակցում էր Անի քաղաքի պեղումներին։ Դազարապատից Անի 25 վերստ ճամփա էր։ Մի օր Թորամանյանը ասավ.

– Ավո՛, ես դիմացդ երևացող վանքը կտեսնի՞ս, Հովվի եկեղեցին է։ Կարելի է ասել գիտության տեսակետից առաջին տեղն է բռնում։ Ափսոս, քանդվում է, վերանորոգման կարիք ունի, մենք էլ միջոց չունենք։

– Ճարտարապետ, – հարցրեց Ավոն, – մի քանի օր կդիմանա՞։

– Հեր օրինած, – ծիծաղելով ասաց Թորամանյանը, – ոչ թե օրերով, այլ տարիով էլ կդիմանա։ Հեչ չլինի, կոնակս դեմ կտամ, կկանգնեմ։

Եվ մի քանի օրում Իսահակյանը, ալեքսանդրապոլցի Նիկողոս Կարապետյանը և Վաղարշակ Ստեփանյանը հավաքում են հազար ժուրի և հանձնում Թորամանյանին, Հովվի եկեղեցու համար։

ԺԱՄԱՆԱԿԻ ԻՐՈՂՈՒԹՅՈՒՆԸ

Իսահակյանի «Երգերն ու վերքերը» բացի մեր քաղաքից մեծ ցնցում առաջ բերեց ամբողջ հայ գրականության և հայ գրողների շրջանում։ Պետք է խոստովանել, որ էլ ժամանակներում հայոց գրականության ու հայ գրչագիրներու կենտրոնը Թիֆլիսն էր։ Ռուս ցարական ճնշումն ու ցենզուրը ներում էին, մանավանդ, երբ տեսնում էին երկու հատ մեծատառ Հ. Հ.։ Ահա այդ ժամանակ ռուս ցենզուրին և ոստիկանին հայտնի էր լինում, որ այդ տառերից մինը հայ է կոչվում, մյուսը՝ Հայաստան։ Բայց հայ գրողը, հայ խմբագիրը կանգ չեն առնում, տպարանները փոխելով կամ մի որևէ խորամանկությամբ առաջ էին գնում։ Ալեքսանդրապոլն էլ պակաս հսկողության տակ չէր։ Ուներ «Շիրակ» տպարանը, թեև Իսահակյանի «Երգերն ու վերքեր»-ը լույս տեսավ Սանդյանների տպարանում, 1897 թվին։

Իսահակյան Ավետիքը մեր քաղաքի հարգված մարդն էր։ Մանավանդ հպարտություն, գոռոգություն չուներ, բոլորի հետ հաշտ ու բարիչ էր։

Բացի այդ էլ, կարծես նա որոշած ուներ ու համոզված էր, որ արհեստավոր մարդկանցից ավելի շատ բան կլսեր ու կսովորեր, քան ունեորներից:

Էդ ժամանակներում շատերը հայ գրքերից խուսափում էին: Եվ կային այնպիսիները, որոնք իրենց տներում ոռու կին կամ մեմկա էին պահում, որ երեխեքն օտար լեզուներ սովորեն: Ես ձեզ հավատացնում եմ, որ հայ գրողների գրքերից շատ քիչ գրքեր են մտել այդպիսի օջախներ: Հայ հարուստները գիտեին, որ ռուսաց պետությունը մինչև անգամ մեծատառ Հ-ն արգելած էր: Իսկ շատերի շկաֆներում գերմաներեն, ֆրանսերեն գրքերն ու անագրերը լիքն էին, թեև իրենք չէին կարող կարդալ, բայց քանի որ արգելող չկար, ձեռի համար հավաքում էին:

Մեր քաղաքի անունն էլ ժամանակի հետ փոխվել է: Մի անգամ Վարդան աղբորը հարցրի.

— Կրեսն մեր քաղաքը հինգ անուն է ունեցել, տեսնես դո՞րք է:

— Ծո՛, սուտ բանն էլ խոսվի՞: Համա որ դուզը ըսենք, էս քաղքին տասը անունն էլ քիչ է:

— Ինչո՞ւ, Վարդան աղբեր, քաղաք կա, որ մեկ անունով դարեր է մաշել: Ահա քեզի Երևանը:

— Էհ, դեռ ջահել ես, հենց մեր քաղքի գաղտնիքն էլ դրանում է, որ հինգ անուն ունի: Լավ է ըսել Պոլոզը. «Մեր քաղքի վրա բմբուլ գցող չեղնի»: Բայց իմացիդ, եթե ասեմ տասը պետություն եմ տեսել, զուցե չհավատաս: Հենց էդ պետություններն էլ, ում գլխին ինչ փչեց, մեր քաղքին անուն դրին: Գիտե՞ս պատճառը ինչն էր՝ մեր քաղաքը տեր չուներ: Անտեր-անտիրական, ում խելքին ինչ փչեր...

Էս որ գրեցիմք, ոչ թե քննադատություն է, այլ մեր գլխով անցած ժամանակի իրողություն:

ԳՅՈՒՄՐՎԱ ՂԱՐԱՇՈՒԽԱՆԻ ՏՂԵԸ ԵՎ ԻՍԱՀԱԿԱՆԸ

Մի առավուտ, Գյումրվա ղարաշուխալի (սև չուխաշավոր) տղերք Բոբոլ Մերգոյի միկիտանում, հավաքված դախի (վաճառատեղանի) առաջը քաջ շահնոց արադ էին խմում: Պոլոզը, Ծիտրո Ալեքը, Մեծերեան Նապոն, Գևիկը, Ղըլադը Ակոն, Նալոն Կարոն, տոռն Մարտայենց Բագրատը, Տուտիկ Օնեսը, խմում էին ու զրուցում, մեկ էլ Պոլոզ Մուկուշը տեսնում է, որ Վարպետը անցնում է:

— Ծո՛, ծո՛, — ասում է, — մեկնումեկը գնացեք, ասեք՝ տղերք կանչում են:

Վարպետ բառն արդեն ողջ Գյումրին գիտեր, ու բոլորն էլ Իսահակյանին Վարպետ էին անվանում: Եվ այդ Վարպետ անունն էլ Գյումրի-Ալեքսանդրապոլի արհեստավորներից է դուրս եկել, և դրա մասին մենք դեռ կխոսինք առանձին: Ո՛չ մի Երևան, ո՛չ մի գրականություն, ո՛չ մի վարժա-

պետ, ո՛չ մի տիրացու չեն կարող պնդել Վարպետ անվան մասին: Եղ մեր գիտնականք բանն է:

Քիչ անց, Ավոն՝ Իսահակյանը, իր ծանր քայլվածքով, ձեռացափայտը բռնած, կիսաժպիտ, որ միշտ քաբցնում էր մարդկանցից, բայց ուրախ սրտով, ներս մտավ, լուռ չորս կողմը նայելով, ասաց.

– Տղե՛ք ջան, էս ի՞նչ լավ բան եք սարքել, բայց շատ չե՞ք սկսել:

– Շուտ չէ, Վարպե՛տ ջան,– ասավ Մուկուչը,– քիկվա խերից առավուկա շառը ավելի օգտավետ է:

Ծիտրո Ալեքն էլ էն կողմից վրա բերեց.

– Ըբը ի՞նչ էնենք, Վարպե՛տ ջան, մենք որ չխմենք, Իսահակյանց աբաղը հո աշտարակցին խմելու չէ՞:

Մուկուչն ու Ծիտրոն Վարպետին մեջ առան ու լի շահնոց արաղը դրվեց դախիին: Եվ ամեն մեկը կարծես լեզու առած հերթով խմեցին Վարպետի կենացը, ճառելով ու գովաբանելով, ինչ որ գիտեին գյումրեցոց դայդեն (ձևը, կերպը):

Երբ բոլորը խմեցին, Իսահակյանը տեսավ, որ մենակ իր բաժակն է լիքը, ասաց.

– Տղե՛ք, կարծես հերթը իմն է:

– Հա՛, Վարպե՛տ ջան,– ասավ Մուկուչը, ու բոլորը մի մարդու պես հայացքները դեպի Ավոյի կողմը դարձրին:

– Տղե՛ք, էս ձեզ բոլորիդ էլ լավ են ճանաչում ու շատ անգամ էլ բաժակ են վերցրել, գիտեմ ձեր հույճութունքը, հորն ու մորը, գիտեմ ձեր օջախը, դուք բոլորդ մեծի թե փոքրի հանդեպ հարգանք-պատվով մարդիկ եք, բայց նկատել եմ, որ ունևոր մարդկանցից հեռու եք մնում: Նրանց մեջ լավ մարդիկ շատ կան: Օրինակ, Բրուտյան Արամը, Մանուկով Ավոն, Ղաֆայով Կոստին, Էյրամջոնց Արտավազը, Բյանդարովենց Մահակը...

– Վարպե՛տ ջան, շատ ներողություն,– ասաց Մեծբերան Նապոն,– նրանք ուսում են առել, աֆիցեր են դառել, էլ իրարու սագ չենք գա:

– Զե՛, Նապո՛ ջան, գյումրեցու աֆիցերն ու միլիտանը, գյումրեցու վարպետն ու արհեստավորը մի հենքի գործվածք են, բոլորի սրտերն էլ բաց են,– պատասխանեց Իսահակյանը:– Զե՞ս հիշում մեր քաղաքացի Մանուկով Վաղարշակին, որ մասնակցել էր ճապոնական կռվին, շատ փող էր բերել, էլ բոլորը արհեստավոր մարդկանց հետ կերավ ու խմեց: Ամեն օր Սնդոնեց Արամը նրա տանն էր նվազում: Մրանով կուգեմ ասել, որ մեր ժողովուրդը թեև քիչըմ մեծբերան ու լուպազ, բայց՝ ձեռքբաց է... Հա, տղերք ջան, բողազս չորացավ, կուգեմ խոսքս վերջացնեմ, հարցնելով՝ ձեզնից ոչ մեկը դպրոցի դուռ չի բացել, վարժապետի երես չի տեսել, գիրք չի կարդացել, գրի սևն ու սպիտակը չի ճանաչել, էս լավ խոսքերն ու ճառերը, համով-հոտով, անուշ գրույցները որտեղի՞ց եք սովորել:

Ներկաները լրջացան, ու բոլորը մայեցին իրենց մեծ ընկերոջը, Մուկուչին: Մուկուչը կանգնած տեղից քիչ առաջ եկավ, իր երկար և ուժեղ ձեռքը մեկնեց, թափով մի քանի անգամ զարկեց դախլին, ասելով.

— Էդ բոլորը էս դախլի առաջն ենք սովորել էս դախլի առաջը, Վարպետ ջան, ու եթե էլի ապրենք, դեռ նոր քաներ ենք սովորելու:

Վարպետը սրտանց ծիծաղեց, իսկ մյուսները գոհ մնացին, որ Մուկուչն իր ընկերներին ամոթով չբողեց:

Վերջում Վարպետը դարձավ Մուկուչին՝ ասելով.

— Մուր միտք ունես, բայց ավստս, որ անգրագետ ես, քաղքի տղա:

(Այս գրույցից հետո ընդհանուր տետրի հաջորդ էջում Արտաշես Պետրոսյանը մի սող է գրել իբրև վերնագիր և չի շարունակել. «Պողոզ Մուկուչի շիրմաքարը, որ գցել է տվել Բսահակյանը»):

«ՈՐՄԿԱՆ ԱՆՊԵՐ» ԵՐԳԻ ՊԱՏՄՈՒԹՅՈՒՆԸ

Մի կիրակի օր, Բսահակյանը, Ղասապենց Համայակը, Կարճիկյան Օնեսը՝ Թամբալ Լոթին, Դուրգարյան Գրիգորը՝ Ուսուլը, Յաղուրենց Օնեսի տանը ուտել-խմելուց հետո վար են իջնում և Բեքուրովսկի փողոցով գնում դեպի քաղաքի կենտրոն:

Հին ժամանակները, ըստ սովորության, երեկոյան դեռ հարեան կանայք պատի տակ փափուկ միջդարձների, տաբուրետկաների կամ քարի վրա նստած որը գուլպա էր գործում, որը թել մանում և հետև էլ անուշ գրուցում: Պետք է ասել, որ մեծի հարգն ու պատիվը այնքան խոր արմատներ ունեն Գյումրվա կին ու աղջիկների մեջ, որ նրանց ծիծաղը, խոսք ու գրույցը իր չափն ու սահմանն ունեին: Հենց որ փողոցով տարիքավոր մարդիկ էին անցնում, խոսք ու գրույցն ընդհատում էին ու միասին ռաքի կանգնում ի պատիվ՝ մինչև նրանց անցնելը: Էդ օրը սրանք նկատում են, որ հեռվից տղամարդիկ են գալիս: Երբ նրանք մոտենում են, ռաքի են ելնում: Մի տարեց կին, որը դժվարանում է և քիչ էլ աչքերից խեղճ է, հարցնում է.

— Էդ ովքե՞ր էին անցնողները, որ ռաքի ելաք:

Մի կին, որ Բսահակյանին լավ գիտեր, մի քանի անգամ իրենց տուն հրավիրված էր եղել, ասաց.

— Ըռդի՛կ մայրիկ, գրող էր:

— Ամոթ չէ՞, որ այդպիսի պատվավոր մարդկանց գրողի ես տալիս, — բարկանում է պառա՛միր:

— Մայրի՛կ, ես չե՞մ անիծում կամ Գաբրիելի գրողին տալիս, բանաստեղծ է, գիրք գրող, երգեր հնարող Բսահակյանն է իր ընկերների հետ:

— Հա՛,— ասում է պառավը,— ըշտը ըսա մեր Ավոն է, մեր դագարա-պատցին, ես էլ էդ գյուղի աղջիկ եմ,— ասաց պառավը ու թաշկինակը տա-րավ աչքերին:

— Շողիկ մայրիկ, ինչո՞ւ կռպաս,— հարցրին:

— Աղբորս տղեն, Պաղվալի Վաղոս միտքս ընկավ, որ Թումանյանի խմբի հետ գնաց Տաճկաստան:

— Ի՞նչ եղավ, չեկա՞վ,— հարցուց մի ուրիշ կին:

— Նրա գնալը էսպես եղավ. Վաղոս ուներ գինու պաղվալ, և դրա հա-մար էլ բոլորը Պաղվալի Վաղո էին ասում: Հայ հեղափոխության օրերին նրա պաղվալում ռուսական ոստիկաններից թաքուն բաներ էին կատար-վում: Մեր քաղաքի տղեքը ցուցակագրվում էին ու գնում Տաճկաստան՝ թուրք ու քրդի ձեռքից հայերուն ազատելու: Օրերից մի օր մի ծերունի է գալիս, երկու բաժակ խմելուց հետո հենց Վաղոյի երեսին ասում է.

— Վաղո՞ ջան, տղոցը բոլորին դրկեցիր, իմ միմուճար տղես էլ գնաց ու չեկավ, իսկ դու էլի քո պաղվալում ես:

Վաղոն լսում է, ծայն չի հանում՝ ոչ հա, ոչ՝ չէ: Մյուս օրը պաղվալը հանձնում է մի ծանոթ մարդու ու Թումանյանի խմբի հետ գնում: Եդ գնալն էր, էլ հետ չեկավ, գոհվեց Տաճկահայաստանի հողի վրա, արյունը թափեց ի սեր հայության: Ավոն մեզ շատ մոտիկ էր, գնալ գալ ուներ, մանավանդ Վաղոյիս հետ: Հենց ի պատիվ Վաղոյի հիշատակին էլ գրեց «Որսկան ախպեր»՝ երգը: Եվ չկա Գյումրու մեջ մի հարսանիք, ուրախություն կամ մահ, որ «Որսկան ախպեր»-ը չերգվի:

Պառավը շարունակեց.— Հասակս թեև յոթանասունհինգ է, բայց այդ երգի մի տունը տալիս է սրտիս մեջ:

— Մե՞ծ մայրիկ,— ասավ մի ուրիշը,— մենակ ժամանակ ես էլ ինձուինձ դուրսում եմ էդ երգը: Եդ ո՞ր տունն է, որ քեզ շատ է դուր եկել:

— Կասեմ, ինչո՞ւ չէ, բալա եմ կորցրել՝

Տեսա մայրիկ, դարդոտ բալիդ

Քար էր դրքեր բարձի տեղ.

Անուշ քնով տաք գնդակն է

Կրծքին սեղմել յարի տեղ՝...

— Շողիկ մայրիկ, «Որսկան ախպերը» ծերից ծեր բոլորս անգիր գիտենք, ի՞նչ կեղնի Գոքորի՝ Շերամի խոսքերից մի երկուսը ասես:

* Արտաշես (Ջումշուդ) Պետրոսյանն ինձ ուղարկած տետրերի մեջ «Որսկան ախպեր» երգի ստեղծման և Վարպետ մականվան վերաբերյալ երկու-երեք տարբերակ է գրել, որոնք հիմքով նույնն են, բայց երբեմն որոշ մանրամասներ ավելացված կամ պակասեցված են: Ես դրանք ի մի եմ բերել:

** Բնագրից չեղումը երգողի կողմից է:

— Է՛, աղջիկներ, իմ ասելու վախտը անցել է, համա Վաղոյիս վրա
Շերամի կապած երգից մի քանի տող կասեմ.

*Թումանովի խմբի գինվոր
Եղենական վեհ հոգին,
Վաղոն ընկավ ու նվիրեց
Անուշ կյանքը հայ ազգին:*

ՎԱՃԱՌԱԿԱՆ ԱՓՈՅԵՆՑ ՄԱՐՏԻՐՈՍԻ ՎԵՃՈ ԻՄԱՀԱԿՅԱՆԻ ՀԵՏ

Գյումրվա աչքի ընկած հարուստներն էին Ձիթոցոցնք, Դոմբյանը,
Խալաթովը, Մեյլանովը, Դարիբջանյանը, Խոյեցենք, Յուզբաշոնք, Տեր-
Մարտիրոսենք, Դունկի աղեն, Դոջենք, Տեր-Դավիդովենք, Դուռուխչոնք և
ուրիշներ, որոնց սիրտն ու միտքը փողն էր: Նրանք ժամանակին եղել են
«պեռվի գիլդի» վաճառականներ, ունեցել են առևտրական տներ և
«օպերովի սկլադներ»:

Եղ օրը Իսահակյանը իր սովորական զբոսանքի ժամին Ալեքսան-
դրովսկի փողոցով անցնելիս, հասավ Ափոյենց Մարտիրոս աղի
վաճառատանը, որի դռանը կանգնած էր նրա տերը, Մարտիրոս աղեն:
Նա կարծես հենց նրան էլ սպասելիս լիներ, հրավիրեց իր գրասենյակը ու
մի քանի թուղեից հետո սեղանին դրվեց երկու ֆինջան սև սուրճ:
Մարտիրոսը զանձարկոյի մոտ նստած երիտասարդին ցույց տալով,
ասաց.

— Սա իմ մեծ որդին է, սովորում է Թիֆլիսի Ներսիսյան դպրոցում,
արձակուրդ է եկել, լավ չէ՞մ արել, որ մեր առևտրական գործերին եմ
ծանոթացնում: Սա էլ քիչ ուսում չէ:

Իսահակյանը ոչ լավ ասաց, ոչ վատ, միայն տղայի հետ բարեկամա-
կան հայացքներ փոխանակեցին:

Վաճառականը ծխախոտին էր գոռ տալիս՝ Իսահակյանից մի
դրական խոսք լսելու, բայց նա լուռ էր: Քիչ հետո ասաց.

— Քեզ քաղաքի վաճառականներից հեռու ես պահում, դուք էլ եք
հարուստ, գյուղում ունևոր տնտեսության տեր, ձերոնք քանդաքում օդու
գործարան ունեն, որ քիչ օգտավետ չէ: Ի՞նչ ես գտել եղ չփլաղ արհեստա-
վորներու մեջ:

Իսահակյանը իր թավ հոնքերը կիտեց, որ բարկության նշան էր,
ասաց.

— Փողատեր մարդկանց համար ոչ մի սրբություն չկա: Նրանց սրբությունը փողն է: Իսկ ձեր ասած չփլախները իրենց հալալ աշխատանքի տերն են:

Աղեն, որ չէր սպասում, թե Իսահակյանը իր աղա երեսնիվարը կշարտե փողասիրությունը, մինչև ականջները կարմրեց, իսկ տղան, երևի խոսքը փոխելու համար, ասաց.

— Պարոն Իսահակյան, Թիֆլիսում* լույս տեսած ձեր «Երգեր ու վերքեր» գիրքը ինձ չհաջողվեց գնել, մեր ուսանողները ձեռքից ձեռք էին խլում:

— Երիտասարդ, էլ գրքից ես մի օրինակ կնվիրեմ քեզ:

Երիտասարդը խնդրեց, որ բանաստեղծն իր ձեռքով մակագրի, քանի որ դա իր համար շատ արժեքավոր կլիմի: Իսկ վաճառականի սրտում եռում էր մախանձը և չկարողացավ իրեն զսպել, ասաց.

— Ծո՛, ես էլ գիտեմ Թիֆլիսում դու բան ես սովորում, ասում եմ մախրի մեջ էլ ունեմ, ափսոս էն փողերը, որ քո վրա եմ ծախսում: Արի տուրը նստի, ամեն օր Իսահակյանին կտեսնես: Էդ քո ասած գիրքն ի՞նչ արժե,— հարցրեց որդուն:

— Հայրիկ, հարցը զինը չէ, հարցը ազգասիրությունն է և ժողովրդին հարգանք պատիվ տալը:

— Ծո՛, — նորից տաքացած ասաց հայրը, — դեռ բրթած է կերել, ո՞վ է տեսել վեց շահնոց գիրքը տուն ու տեղ, ընտանիք պահե:

Իսահակյանը հանգիստ նստած հոր ու տղի միջև միջնորդի դեր էր կատարում, որոշեց հանգստացնել հորը ու նրա սրտով մի բան ասել.

— Պարո՛ն Մարտիրոս, մեր ջահելները փող աշխատելու ձևը չգիտեն, բայց կգա դրա ժամանակը: Զե՞ս լսել, մեր պապերն ասել են՝ աշխարհը կարդացողների երեսից պիտի փուլ գա:

— Օղորմի՛ պապիդ,— ասավ վաճառականը,— անջախ իմ սրտով մի բան ասացիր,— իսկ որդին գլուխը կախ ծիծաղում էր, որ հայրը չտեսնի:

Հենց այդ պահին վաճառականի գրասենյակի դռնով անցնում էին եվրոպական տարագով երկու ջահել տղամարդ: Մեծադիր շուշա վիստավ-քից նայեցին ու տեսնելով Իսահակյանին՝ ներս մտան, փաթաթվեցին իրար, քեֆ ու հալ հարցրին: Իսկ վաճառականը իր նստած տեղում իշացած նայում էր նրանց: Քիչ անց նրանք մնաս բարով արեցին ու առանց իր հետ խոսելու գնացին:

Աղեն հարցրեց.

— Էդ անծանոթ մարդիկ ովքե՞ր էին, վաճառականի չէին նման:

* Թիֆլիսում Իսահակյանի «Երգերն ու վերքեր»-ը լույս է տեսել 1908թ.:

– Մինը դամրչի լալ Մարգարի տղեն էր, Գեղամը, Գրքմբենց Պետրոս աղի փեսեն, Ջավահիր խանունի ամուսինը, հավանական է քաղաքագլուխ ընտրեն, մյուսը խալաթովենց Գրիգորն էր, Մոսկվայի համալսարանն է ավարտել, ուսումը պիտի շարունակի,– ասավ Ավոն:

Աղեն, դառնալով որդու կողմը, ասավ.

– Ծո՛, իշո՛ր գլուխ, տեսնու՞մ ես, ամեն մեկը մի կնյազ են դառել, դու Ավոյի գրքով ես տարված: Ավո, խնդրում եմ, վաղը մի քսան հատ գիրք բերես, կրկնապատիկ կվճարեմ...

Իսահակյանը ոչ հա ասաց, ոչ՝ չէ, մտքում զգաց, որ էս մարդը աշխարհից բեխաբար է, միայն իր գործի ու փողի մեջ է փորձված: Իսկ տղեն, թեև անհարմար զգաց, որ հայրը իրեն բանաստեղծի մոտ իշու գլուխ անվանեց, բայց հոր սիրտը չկտրելու համար ասավ.

– Եթե ես էլ Մոսկվայի Լազարյան համալսարանում սովորեմ, նրանցից էլ կանցնեմ: Համոզված եղիր, որ էս տարի Ներսիսյան դպրոցը ոսկե մեդալով պիտի վերջացնեմ:

– Կհավատամ,– ասավ Իսահակյանը,– ազատ օրերիդ էլ դեռ հորդ գործերին ես օգնում: Ես հորդ կխնդրեմ, որ Ներսիսյան դպրոցն ավարտելուցդ հետո, քեզ ուղարկի Մոսկվա, ուսումդ շարունակելու:

– Ես էլ եմ աշդպես մտածում: Դամրչու տղեն մարդ դառնա՞, քաղքի տեր դառնա, իսկ Ավոյենց Մարտիրոսի տղեն չորսա՞մ մնա,– վրա բերեց աղեն:

Իսահակյանն ուրախացած սեղմեց վաճառականի տղայի ձեռքը, ասելով.

– Ծո, գործդ լավ է գնում, հայրիկդ կակդեց, շնորհքը մնում է քեզ:

Իսկ տղան ուրախացած ասաց՝ կարդարացնեմ:

Մարտիրոս աղեն թևանցուկ Իսահակյանի հետ գրասենյակից դուրս ելավ, ասելով.

– Ողորմի՛ պապիդ, Ավո՛ ջան, ամեն բան հալիր լցրիր Ակոբիս ականջը:

– Միամի՛տ կաց, հիմա քեզնից է կախված,– ասաց Ավոն:

Իսկ Մարտիրոս աղեն խոստացավ, ասելով.

– Պետեբրուրգ էլ, արտասահման էլ կուղարկեմ, ուժ ու դվաթ ունեմ, միայն վախենում եմ Նոյի ագռավի պես տուն չդառնա:

Կարծես թե ծերունու սիրտը վկայել էր, վերջում եղպես էլ եղավ:

ԻՍԱՀԱԿՅԱՆԸ ԴԵՎՈՆԴ ԱԼԻՇԱՆԻ ԲԱՐԵՎԸ ՓՈԽԱՆՑՈՒՄ Ե ԽՐԻՄՅԱՆ ՀԱՅՐԻԿԻՆ

Երբ Իսահակյանը իր վրայից հանեց սևագգեստը, որ հագնում էին Գևորգյան ճեմարանի բոլոր ուսանողները, ուղևորվեց Վենետիկ, այցելեց

Սուրբ Ղազար կղզի: Նա փափագում էր տեսնել և տեսավ Հայր Ալիշանին, ծեր ալևորին, հայկազունյաց, Շիրակի, Արարատի մեծ հայրենասերին: Բաժանվելիս Ղևոնդ Ալիշանը հսահակյանին պատվիրեց.

– Հայրիկին շատ բարև կտանիս: Նա հարյուր օր մեծ է ինձմե:

1901 թվին հսահակյանը վերադարձավ հայրենիք և ամձամբ գնաց Խրիմյան Հայրիկին տեսության, ինչպես և Հայր Ալիշանի բարևը փոխանցելու:

Խրիմյան Հայրիկը սիրով և ուրախությամբ ընդունեց բարևը և պատգամեց.

– Մասիս լեռան հողից, Երասխ գետի ջրից և մեր Արագած սարի ծաղիկներից մի ծանրոց (պասիկկա) պատրաստեք և նվեր ուղարկեք հայոց մեծ հայրենասեր իմ եղբորս՝ Ղևոնդ Ալիշանին:

ԳՈՒԹԱՆ ՄԱՐՔՈՂ ԳԵՎՈՐԻ ԱՐՀԵՍՏԱՆՈՅԸ

Քաղաքում մի շարք տեղեր ման գալուց հետո, Ավոն մտնում էր Միքայելյան փողոց, որտեղ վերից վար արհեստավորներ էին, մեծ մասը դամրչի (դարբին): Հենց այդ փողոցում, խանութ N 51-ում գտնվում էր նրա ընկերոջ, Չախմախչոնց գութան կապող ուստա Գևորգի արհեստանոցը: Ուստա Գևորգը, որ քաղաքում ճանաչված մարդ էր, ուներ մեծ մականուն՝ Նազիկի կամ Թուլումբի Գևորգ: (Եղ ո՞ր գյումրեցին է, որ մականուն չունի):

Դուրսը, Գևորգի արհեստանոցի դռան վերևում խփված էր երկաթից շինված մի փոքր գութան, որը հաճախորդներին ասում էր՝ սա է գութան սարքող Գևորգ Յովակիմյան-Չախմախչյանցի արհեստանոցը, ի Ալեքսանդրապոլ:

Ահա որպես մնուշ մենք կարող ենք Գևորգի պեչատած մի թղթի կտորը ցույց տալ, որի վրա իր արհեստանոցի գերբը և անուն ազգանունը կա, և որ գութանի այդ արհեստանոցը գոյություն է ունեցել 1880 թվականներից մինչև 1918 թիվը:

Բացի դամրչությունից Գևորգը գիտեր կարդալ-գրել, նկարչություն և քանդակագործություն: Նա ուներ նկարած «Մայր Հայաստանը», «Վարդան Մամիկոնյանը» և քանդակած՝ «Էջմիածնի վանքը»: Նա հեռատես էր, հայրենասեր, հետաքրքրվում էր հայ ազատագրական պայքարով, Մերոք փաշով, Արարո-Անդրանիկով: Գևորգը մեր ասնաֆի (արհեստակիցների) մեջ աչքի ընկնող դաշնակցական գործիչ էր: Կապ ուներ հայդուկային, ֆիդայական խմբերի հետ: Կարիքի դեպքում հանգանակություն էր անում արհեստավորներին, հայ խմբերուն և թե տաճկահայ գաղթականությանը օգնելու համար:

Ուստա Գևորգը հնչակյան կուսակցությանը սառն էր նայում: Ասում էր՝ երկու գազան միանգամից չես կարող որսալ: Մեզ այժմ պետք է մի

գազանին սպանել, որը Տաճկահայաստանում անխնա մեծ ու փոքրին, մեղավոր-անմեղին սրի է քաշում: Իսկ երկրորդ գազանը՝ միապետական ցարը, մեր կովկասյան, մանավանդ հայերիս ուժից վեր է... Մեր Ավոն, հավանական է, հենց դրա համար էլ տարվել է ուստա Գևորգ, նա էլ Ավոյով:

Պետք է խոստովանել, այդպիսի շնորհքով մարդիկ Ալեքսանդրապոլում կային, օրինակ Ավոյի ընկեր Քուպայան Ալեքսանը: Նրա թողած մի շարք գրքեր, թերթեր, ինչպես և «Ռուսկիյ պոմոշչ Արմենիի», 1914 թվին տպված, «Մշակ» թերթի 1872 թվի լրիվ տարվանը և մի շարք կարևոր հնություններ, Ալեքսան Քուպայանի տղեն, իմ մոտ ընկեր Գուրգենը, նվիրել է իմ թանգարանին:

* * *

Ուստա Գևորգ ծանրաքաշ մարմնի տեր մարդ էր, ուներ լայն թիկունք, ուժեղ ու հաստ բազուկներ, լայն ճակատ ու թավ հոնքեր: Ակնոցը միշտ աչքերին էին: Ինչքան որ ծանր երկաթ լինէր, մեռակ կրարձրացներ, ոչ ոքի օգնության չէր կանչի: Հրամանատարի մնամ ամբողջ օրը զնդանի ու փութսի առաջ կանգնած, կաշվե գոգնոցը կապած, երկու կիլոյանոց չաքուչը (մուրճը) մի ձեռքին, մյուսով, երկաթե մաշով (ունելի), շիկացած խոփը բռնած, թաք-թաք խփում էր, որ բանվորներն իմանան, թե իրենք կարմրած երկաթի որ տեղին պետք է զարկեն, խոփին ձև տալու համար:

Նրանց արհեստանոցում օտար մարդիկ չկային, կարելի է ասել տունտեղով դամբչի էին, ինքը, իր եղբայր Մուկուչը, երկուսի որդիները՝ Կարոն, Սերգոն, Աղասին և մյուսները:

Մուրճերի հարվածների ձայնը, փութսի փութ հա փուն, ածուխի ծուխը և ծեծվող երկաթի պեծերը թռչում էին օդի մեջ ու հանգում: Մի հետաքրքրվող լինեք, կասեք՝ սա գործ չէ, կատարյալ դժոխք է: Թե ուստի, թե բանվորների ճակատներից քրթիները թափվում էր, իսկ թե կուրծք ու մեջքը ինչ էր լինում, մանավանդ տակի շապիկը... Բայց ոչ որ տրտմոջ չէր հանում, իրանց ամեն օրվա գործն էր, դրանով էին հաց վաստակում, սուրն ու տեղ պահում:

* * *

Էդ օրն էլ Ավոն, դրսում իր գործերը վերջացնելուց հետո, եկել էր ուստա Գևորգի արհեստանոցը, նստել իր սովորական աթոռին և ուշի ուշով հետևում էր աշխատանքին ու զարմանում էր, որ ոչ մեկը օֆ չի անում: Ավոն երբ տեսավ, որ պատրաստի խոփը արդեն թշշում-մշշում է զնդանի կողքը դրած տաշտի ջրում, Գևորգին կանչեց հանգստանալու, ծխախոտ առաջարկեց և ասաց.

— Գևորգ, որ ճիշտն ասենք, ձեր գործը կրակ է, դժվար, մանավանդ սաղ օրը քուրայի առաջ:

— Ի՞նչ անենք, Ավո՛ ջան, մեր գործն էլ էս է և քեզ նման ընկերների հետ էլ, պատահած վախտում մեկ-մեկ օրի ենք խմում, էդ էլ մեր ուրախությունն է:

Ավոն իր սիրտը բացեց.

— Շուշա կտրողին էլ ուստա կասեն, քեզ էլ: Ոչ թե ուստա, այլ ավելի քարծր կոչում պետք է տան, դու փորձառու վարպետ ես:

— Է՛հ, Ավո՛ ջան, մինչև մուշտարիքս նոր անունս գիտեման, մենք սոված կմնանք: Թող էդպես էլ մնա: Քսան տարվա ուստա եմ, մեր Գյումրվա շրջանի բոլոր գյուղերը ինձ գիտեն, մանավանդ գութանի տերերը: Ճիշտ է, ես կրկնապատիկ գին եմ վերցնում, բայց իմ սարքած խոփը ամբողջ սեզոնին դիմանում է:

— Գիտեմ, Գևորգ, մի քանի օր առաջ Ղազարապատում էի, գյուղում, մեր հարևանը ասաց. — Ավո, հալալ էղնի քո աղբեր տղա ուստա Գևորգին, իր սարքած գութանի խոփը, եթե սուտ չասեմ, գալոդ տարվան էլ հերիք կանի: Գևորգ, միայն թե իմ տեսակետով ուստա բառը քո անվանը հարմար չէ, որովհետև, մենք, հայերս, թուրքերի նման ճրագ ու ձագար չիմողին էլ, շուշա կտրողին էլ, խոփ ու գութան սարքողին էլ նույն անունն ենք տալիս: Բո արածը մեծ շնորհքի բան է:

— Էհ, Ավո ջան, ի՞նչ ես կորցրել, ի՞նչ ման գութա: Օսմանցի թուրքը հարյուր տարի է մեր քաղաքից գնացել է, դարձյալ ժողովուրդը սաբախտան-սաքսան-տոխսան ու շատ թուրքական խոսքեր է գործածում: Էդ բոլորը մեր ժողովրդի մթությունից է, ուսումից հեռու է փախչում, բավարարվում է երեսին խաչ հանելով ու հայի անուն կրելով: Մի քանի օր առաջ գնացի գրախանութ: «Կայծերի» երկրորդ հատորը առնելու, գրավաճառը սառը մայեց երեսիս, ասաց. «Աղբերս, էս գիրքը մի ամիս առաջ եմ ստացել ու մի հատ էլ չեմ ծախել, զոնե ձեռքդ խերով լինի»: Մարդը գրքի թուղ սրբեց դրեց դախլին:

— Այդ բոլորը ճիշտ է, Գևորգ ջան, համա գոռով բան չես կարող անել: Մեր հարուստները քար են դառել: Նրանք էլ, երբ իրենց տղոցը դրսում ուսումի են տալիս, ավարտելուց հետո մնում են էմտեղ: Շատերն էլ ասում են՝ զանք ի՞նչ անենք, Ալեքսանդրապոլի պատամարտերում (մայթերին) ենք կարոտ: Ահա թե ինչու՞մն է մեր հայ ժողովրդի դժբախտությունը: Զչերն են, որ մտածում են իրենց ծննդավայրի մասին... Հա, մեկ-մեկ էլ լսում ես. տես է՛, եթեկ չէ մեկել օրը գնացել են, «ա» ու «բ» սովորել, եկել են մեզ խրատ են տալիս:

— Հա՛, էդպես է, — ասաց ուստա Գևորգ, — էն օրը մեկը թե՛ դազարապատցի Իսահակյաններու տղեն գյուղից կուգա, կուտե, կխմե, իրա քեֆին ման կուգա:

— Շատ էլ ճիշտ են ասում,— սրտանց ծիծաղեց Ավոն,— եթե գյուղի տան օգնությունը չլինի, մեր ստացած մանեթներով ոչ տուն կարաս պահել, ոչ էլ հանգիստ պիտմեննուդ առաջ նստել: Գևոր, ի՞նչ ես կարծում, թումանյանին, որ գյուղից չօգնեին, «Շունն ու կատուն» գրելով յոթ-ութ երեխա՞ կարար պահել, էն էլ թիֆլիսի պես քաղաքում: Բայց արդի ու տես, որ մեր գործը, բոլոր գրողներունը, մի պատուհաս է, որ մեր գլխում ու սրտում բուն է դրել, ոչ կարաս հրաժարվել, ոչ էլ կարաս փոխել: Էսպես տապալկվելով, մաշվելով գերեզման պիտի իջնենք:

Էս խոսքերը դիպան ուստա Գևորի սրտին ու նա ասաց.

— Մի՛ հուսահատվիր, Ավո՛ ջան, քանի Իսակովենց օջախը կա, դու հանգիստ կնստիս պիտմեննուդ առաջ:

Էդ օրվա գրույցը երկարե՛ց ու վերջացավ էսպես...

Ո՞Վ Է ԲԱՆԱՍՏԵՂԾԻ «ՎԱՐՊԵՏ» ՄԱԿԱՆՎԱՆ ԿՆՔԱՀԱՅՐԸ

Ուստա Գևորը մի կարևոր բան մտքում՝ դրածի նման, իր աթոռը ավելի մոտեցրեց Ավոյին ու դեմ առ դեմ նստած հայացքը զգեց Իսահակյանի երեսին:

— Ավո՛ ջան, վաղուց մտքումս մի բան կա, պիտի ասեմ, հիմնկականից հարմար վախտ չկա, լավ է ասած՝ խոսքը խոսք կբանա: Մեր քաղաքի արհեստավորները, թե ջահել, թե տարիքով, ինձ տեսնելիս կասեն՝ Գևոր, յարանիդ՝ որ կտեսնինք, ճամփեքս կծռենք, իրա երգերը կերգենք, հըմը չիղենք թե էլ մարդուն ինչ անուն տանք, քեֆ ու հալ հարցնենք: Իսահակյան ասե՞նք, մեզ սազ չի գա, մենք անգրագետ մարդիկ ենք, աղա ու պարոնից էլ մի վերստ հեռու կփախնինք... Արի խոսքիս համոզվի, ամեն մի հայ գրող իր կեղծ մականունն ունի, ինչքա՞ն վատ անուն է Հանճար կամ Վարպետ: Երբ դու մարդկանց սրտի ու հոգու վարպետն ես...

Եվ ուստա Գևորը, ձեռքերը կրծքին ծալած, Ավոյին էր նայում ու պատասխանի սպասում:

Ավոն, իր սովորական ձևով քիչ պահ գլուխը կախ արավ ձեռաց վրա, որ բռնած ուներ իր հաստ ու կլոր, փայլուն ձեռնափայտը, որը շատ անգամ Մովսես մարգարեի գավազանի նման, որ կտրեց Կարմիր ծովը և հրեաների համար ճամփա բաց արավ, նույնպես և Իսահակյանի ձեռնափայտը նույն դերն էր տանում հայոց գուլում աշխարհն անցնելու: Ավոն, հանկարծ գլուխը բարձրացրեց ու տեսավ, որ Գևորը դեռ սպասողական իրեն է նայում, ասաց՝ ոչ հպարտությամբ այլ սովորական, ժպիտով.

* Յարան - ամենամոտ ընկեր:

— Գևորջ ջան, Հանճար անունն ինձ հարկավոր չէ, երբ դու Վարպետ անունը ինձ հարմար ես գտնում, ես հոժար եմ Գյումրի-Ալեքսանդրապոլի ժողովրդի սրտի ու հոգու վարպետը լինեմ։ Թող այսուհետև ոչ մեկը ճանաչեն չծռե, այլ դեմ առ դեմ, դուգրեդուգ դեմս ելնի ու Վարպետ ասե, ես իմ անունիս տերն եմ։

— Վա՛յ, քու մեծ հոգուդ մեռնիմ, Վարպետ ջան,— ասաց Գևորջը, և երկուսով գրկախառնվեցին, մինը իր սև ու մրուտ ձեռքերով, որ գութան էր շինում հայրենի Շիրակի հողը հերկելու համար, մյուսը փափուկ ու սպիտակ ձեռքերով, որ գրիչը բռնած գրում էր Արագածի ու Շիրակի երգերը։

— Ծո, Մուկո՛ւչ,— փոքր աղբորը դարձավ Գևորջը,— հիմիկվանից լավը չկա, գործը թողեք, տղեք, մեր տուն գնացեք, փոխից չանախ բերեք, կախեթու ալազան գինին հանեք մառանից, մեր ասնաֆի (արհեստակից) մարդկանց ու հարևաններին կանչեք։ Քեֆ եմք անելու, ոչ սովորական քեֆի պես,— ու դառնալով Ավոյին ասավ,— Ավո, լավ գիտեմ, որ մեր քաղաքի հասարակությունը, դարաշուխալիք անգամ, մեր ամբողջ արհեստավորներն ու համքարները սրբի պես պիտի պաշտեն քեզ ոնց որ մի մատուռի։

Գծվարն էն է, որ մեկը իմացավ, ողջ քաղաքը, մեկը մեկին ասելով-խոսելով, Վարպետ մականունը տարածվեց՝ նվագող, միկիտանչի, ֆայտոնչի, բանվոր, աշկերտ, արհեստավոր, դպրոցի ուսուցիչ ու աշակերտ, վաճառական ու խանութպան, ծեր ու մանուկ իրարու ցույցի էին տալիս ու ասում՝ Վարպետն է գալիս, ղազարապատոցի Ավոն։

...Իսկ որպես Իսահակյան մնաց գրականության ու գրական գործիչներու շրջանում։

Այս տողերը գրողս կարիք չեմ զգացել հայարտանալու ոնց որ շատերը, քե Իսահակյանի կենսագրությունը լավ գիտեմ ու նրա հետ ընկեր եմ եղել։ Եղ թվերին ոչ Երևանը, ոչ Ղարաբաղիստեմ ու Լոռին, ոչ Ղազախը կամ Ախալցխան ու Մխալքալակը, կամ Ղարսը երբեք Ավոյով չէին հետաքրքրվում։ Նրան Ալեքսանդրապոլի արհեստավորները բարձրացրին և որին, որպես երախտիք, Ավոն Պոլոգ Մուկուչի գերեզմանի վրա քար գցել տվեց։

Այս փոքր բանը, որ ձեզ պատմեցի՝ դամբելի Գևորջին մինչև իր մահը լավ ծանոթ եմ եղել։ Տեսել եմ նրա նկարներն ու քանդակը, նույնպես նրա եղբորը, Մուկուչին և իրենց տղաներին։ Կարոն, որսի գնալիս, անզգուշությունից հրացանը տրաքվեց ու շեշմաները մտան գլուխը,

ահացավ: Աղասին ինքնասպանություն գործեց, իսկ երրորդն իր մահով
նաց: Ուստա Գևորգը իմ հոր, Արշակի, մորքորի տղան է, Նազիկ տատի
մուսգնեկը, դրա համար էլ Նազիկի Գևորգ էին ասում: Հայրս, ուստա
Գևորգը և հորս հորեղբոր տղա Խաչոն ջահել ժամանակ իրար հետ
կարվել են և էդ նկարը ներկայումս իմ քանգարանում է, կախված է
Հյուսիս-Ալեքսանդրասպոլցիների պատվավոր քաղաքացիների նկարներու
ետ: Ես դպրոցի տղա էի, որ այդ ամենը ուստա Գևորգը կպատմեր իր
ասականից մարդկանց, իսկ ես ականջ կդնեի:

1918 թվին Գյումրվա ժողովուրդը, թուրքերի գալու ժամանակ ամեն
եկը աշնան տերևի նման ցրվել եղան: Էլ ու՞մ դարդն էր, թե Ավոն,
Լարպետը, ի՞նչ եղավ կամ արտասահման գնաց:

Սա որ գրել եմ, ոչ թե էսօրվա համար: Ոչ, սա գրել եմ որպես
անասեր իմ Գյումրի-Ալեքսանդրասպոլ երկրորդ հատորի մեջ ոչ թե միայն
Ավոյի, այլ ողջ Գյումրիի մասին, մինչև 1920թ.:

Վերջ:

ՎԵՐՋԻՆ ՀԱՆԴԻՊՈՒՄ

Նրան Ջումշուդ քեռի էի ասում: Երբ խմբագրություն էր գալիս,
ընդուն էինք դեսից-դենից, իրեն մտահոգող խնդիրներից: Նրա համար
ս դարձել էի մի հարազատ մարդ, ում կարող էր վստահել իրեն հուզող
ոլոր խնդիրները: (Քանի՜-քանի՜ այդպիսի անմնացորդ նվիրված
արեկամ եմ ձեռք բերել իմ երկարամյա լրագրողական աշխատանքի
նթացքում):

1977 թվականի մարտին, կինը, Մանուշակը, Լենինականից զանգեց
հայտնեց, որ Ջումշուդը ծանր հիվանդ է և կանչում է ինձ: Գնացի մարտի
7-ին: Լավ էր, որ գնացի, քանի որ նա անհամբեր սպասում էր ինձ ասելու
յն ամենը, ինչ մեր ծանոթության տարիներին հանդիպումների ու
ամակների միջոցով (որոնք բազմաթիվ էին) զուցե ասել էր, բայց
ավարար չէր համարում:

Ինձ դիմավորեց Մանուշակ մայրիկը: Աչքերը տխուր էին, շատ ծանր
ասաց: Տեսնե՞ք կարողանալու՞ է խոսել:

– Ջումշուդ քեռի, ես եմ, Մարգոն, եկել եմ քեզ տեսության, շուտով
ողջանալու ես, նորից «Գարունի» խմբագրություն ես գալու...

Չպատասխանեց: Ձեռքով ցույց տվեց մահճակալի կողքի աթոռը:
Ժվարությամբ սկսեց խոսել: Աչքերը կիսախուփ, ծանր շնչելով: Ինձ
լաց, թե նա վերջին պատգամն է տալու, չգիտեմ, ճի՞շտ արեցի, հանցի
լագիրս... Ես գրի առա նրա հատուկտոր խոսքը, որ մահվան մահճում
ռմկողի խոսք էր՝ իր անցած դժվար ճանապարհը մեկ անգամ էլ իբրև
ազ վերապրելու:

Նրա առաջին միտքը՝ նկարիս տակը գրել եմ, որ երկրորդ դասարանի կրթություն ունիմ: Թող իմանան, որ անգրագետ մարդն էլ ուսում կսիրի: Թող մի գյուղում իմանան, մի հետամնաց գյուղում, որ աշխարհում այսպիսի մարդ է եղել:

Իմ մահից հետո կգաս, Գուգարքին նվիրված երկու հատորները կկարդաս: Հայ որբերի մասին եմ գրել, ինչ-որ տեսել եմ:

Երեկ չէ առաջին օրը վերջին կոպեկս տվել եմ Սողոմոն Թեկերյանի նկարն եմ մեծացնել տվել: Թալեաթին սպանողն է:

Անխուճջ մշակ եմ եղել հայ ժողովրդին և ուրախ եմ: (Չայնը մարում է: Լուում է):

Ռուսական նկարների մասին չմտածես: Քանի կմոտենա՝ կանուշնա: (Խոսքը Հայաստանը Ռուսաստանին միավորելու 150-ամյակի առթիվ կազմած երկու հսկայական ալբոմներն էին, բազմաթիվ նկարներով):

Ես բախտավոր եմ, որ մի երկու հատ գուսանական բան եմ թողել:

Լոռին չմոտանա: Դաշնակների ժամանակ ինձ ուղարկել էին Լոռի աշխատանքի: Որբեր, որբեր... Աթան, Ահնիժոր, ուլքե՞ր են եղել, ի՞նչ են արել, ո՞վ է հարուստ...

Ճամփով անձանոթ մարդը որ անցավ, անպայման պետք է բարև տան: Լոռեցիք սովորություն ունեին դոնադի ոտ լվալու: Լոռեցին սարի գլուխը կբարձրանար, կբղավեր.

— Արա՛, հե՛յ...

Չամանլուի կամրջի գրավմանն եմ մասնակցել:

Չորագետցի Էրեզրոն, կեղծամուրը՝ Բոլշևիկ:

Առաջին անգամ Թիֆլիսում Անդրանիկին տեսա 1914 թվին, Քեռուն, Համազասպին: Օ՜ֆ... (Չայնը մարում է):

Անդրանիկը ծխախոտի համար ժամանակ չէր կորցնում: Մասունից որ եկավ, գնաց Պարսկաստան, Եփրեմ խանի մոտ...

ՎԵՐՋԻՆ ԽՈՍՍԺՍ.

*Թող սահեն դարեր և ազգեր մույնպես,
Իմ սատ շիրիմում դարձյալ հայ եմ ես:*

Ջումշուդ:

Իմ հոգին իմ հայրենասիրությունն է: Ես փոշման չեմ: Միայն մի բանի համար եմ փոշման, որ անգրագետ եմ:

Մանուշակիս մի մոռանա: Իմ կինս, ինձ փայփայող Մանուշակն է: Գլխե՞ս, այս հազարավոր նկարները, որ հավաքել եմ, Մանուշակը քիչ նեղություն չի քաշել, աշխատածս ամբողջ փողը դրանց եմ տվել:

Հայաստանին վառելանյութով բավարարել եմ, փայտ, ածուխ... Մաղախվից Փոթի, Սոչի, Տղվեքուլի, Բախմարո-Վրաստանի ամենաբարձր սարն է, էնտեղ բիլամ էղել եմ: Քառասուն տարի թափառական կյանք եմ վարել:

— Հայր չպիտի մուրա, — տնքալով ասաց Ջումշուդը:

— Թո՛ղ, ես կպատմեմ, — ասաց կինը՝ Մանուշակը:

Թիֆլիսի երկաթուղային կայարանի ռեստորանում մի հայ կին է մտնում, երեխայի ձեռքից բռնած: Աշխատողներն ուզում են դուրս անել: Ջումշուդը բերում է իր սեղանի մոտ, պարկը հացով լցնում, փող տալիս...

— Հայը չպետք է մուրա, — դժվարությամբ եզրափակեց հիվանդը: — Քառասուն տարի թափառական կյանք եմ վարել:

Ես աթոռս ավելի եմ մոտեցնում: Չայնը հաճախ կորչում է:

Ընկերներս թուրքի բեկի կողմից շրջապատված էին: Մենք, տասը ընկերներով մաուզերներս քաշեցինք... Ես խփեցի հրամանատարի ձին, հրամանատարն ընկավ... Աշիկը, Քեռու ձիավորի օգնականը... Դիարբեքիի Այգի շեյխի տղան 500 ձիավորով եկել էր թուրք Մմքոյին օգնության:

Պարսկաստանից սկսած մինչև Էսոբ... Ջումշուդ, Ջումշուդ, օ՛ֆ...

Ախթալա, Սանահին... Քոբերում երկաթուղու կռուշների շատ է եղել, ինձ բան չի եղել: Բաքվի կողմը դեմս դաչաղ ելավ: Թելավում-Վրաստանում դաչաղների ձեռից մի կերպ պրծա... Բյաշկա էն վախտը մեռնեի... Երգելու մնամ

Ես քեզի մատաղ

Որ միտս ես գալիս՝ ասում եմ ա՛խ,

Կվախեմ գուցե կարոտով մեռնեմ,

Մուրք ազատությունդ գուցե չտեսնեմ:

1914 թվին, իմ փողով, երկու հարյուր ռուբլի, գիրքս 500 օրինակ տպել տվի: Երեք ամսվա մեջ 3000 ռուբլի կաշխատեի, բոլորը ծախսել եմ թանգարանիս վրա: 1914 թվին, որ գնացի կամավոր, ես ունեի շանաստեղծություն՝ «Հայրենիքի սեր», գրքիս մեջ է:

Ինձ մարդկանցից հեռու էի պահում: Ինչպես մի կռշկակար, որ չդախանություն աշխատի: Չեռքս փող կար, պատիվ-շնորհք կար, բայց չէի դիվում, անգրագետ էի: Էդ էլ իմ ցավս է:

Իմ ձեռքով գրված դավթարները՝ «Անդրանիկ», երեք հատոր, «Հայ իլդայիներ» չորս հատոր, «Գյումրի-Ալեքսանդրապոլ» երկու հատոր, «Լարս», երկու հատոր, «Իմ կյանքի պատմությունը», երկու հատոր, «Իմ

աշխատանքը», մեկ հատոր, «Գուգարք», երկու հատոր, «1914թ. հայ որբեր», մեկ հատոր, նայած թե ով պետք է կարդա, «Նամակներ»՝ մեկ, «Աստվածաշունչ. Լեւինի կյանքը»՝ մեկ, «Ռուսական գրքեր», չորս հատոր:

Ես անգրագետ, էս հասարակ մարդը Լեւինգրադի էրմիտաժը ո՞նց է բերել էստեղ...

Վրեւ թող Լեւինականի սև անտաշ քար քաշեն՝ թող սահեն դարեր... Ծիծաղող էլ կլինի, լացող էլ կլինի, հիմա մարդկանց չես կարող զարմացնել ոչ փողով, ոչ հագուկապով...

Թելավում փողոցով անցնում էի, լսեցի «Մայր Արաքսի ափերով» երգը: Էս ի՞նչ բան է, ասեցի, էս վո՞վ է: Հարցուփորձ արեցի՝ հա, էստեղ մի լավ աղջիկ կա, էն է երգողը: Էդ էլ սիրուն Մանուշակն էր, 18 տարեկան, էս 31 տարեկան, ամուսնացանք:

(Սա նրա կյանքի ամենավերջին հուշն էր, որ երազի պես սահեց փակ աչքերի տակով):

Ծանր սրտով հասա Երևան: 1977 թվի մայիսի 5-ին գնացի ճամփորդության՝ Ֆինլանդիա-Շվեդիա: Երկու շաբաթ անց վերադարձա: Հեռագիրը, որ գուժում էր Ջուշուդ Պետրոսյանի մահը, ստացվել էր տասն օր առաջ: Ես հիշեցի նրա տողերը թռչակի վերաբերյալ.

*Քառասուն տարվա աշխատանքս արին հեշ,
Կարա՞ս փող, կեղծ տեղեկանք բերես մեզ,
Ծերությունն էլ մեր հաշվի մեջ չէ,
Քեզ ո՞վ ասավ, թե թանգարան կառուցե...*

Եվ ահա անցել են երեսուն և ավելի տարիներ...

Հրապարակումը՝ Մարգո Ղուկասյանի